

ANPAO.

Published by the Niobrara
Convocation.

"Wankantanhan Anpao kin hiyounhipi."

Address, 'Anpao,' Green-
wood, Dakota.

VOL. VIII. NO. 6.

MAY, 1889.

KAŠPAPI ŠAKPE (60c).

WOTANIN ENANA.

Madagascar Wicaštayatapi winohinca kin mini wakan anaptapi (Prohibition) waokiye kta he mazaska opawige kiçun.

Wanihan Congress mniciyapi qa woope kağapi qon, mazaska woope kağapi kin mazaska 281,878,-694 yuštampi. Hececa keš Sissitonwan qa Walipe-tonwan mazaska dapi kin wicakiciyuštampi šni

Aškatudan wašicun J. Erricson eciyapi he te. Wicašta kin de wiyukean wayupike wita wata okağapi kin on. Hekta Isantanka oyate kin kici kicizapi qon wita wata on zuyapi kta *Monitor* eciyapi kin he kağa.

Aškatudan wiyolipeyata mniwanca (Pacific Ocean) Samoa wita kin en nina tate ohitike ça Isantanka wita wata, qa German oyate tawapi ko ihangwicaye. Sagadaša tawapi wan mahen iyaye kecinpi. Nakaš tokahan keyapi.

Wašicun Dakota en woju tipi kin dehan taku wanji nina cajeyatapi qa token econpi ca hecinhan iwokicihdakapi. Paçilita hahonta kin opetonpi eca tehika yawapi. Heca kağapi wicašta nina wijiniçiyapi kta cinpi. Tokin taku hahonta kin awašakedan opetonpica unkanš ecinpi.

Maka Tipi en Dakota wan tohinni kaškapi. Tuwe Pehankuwapi eciyapi hee. Tukteken Dakota wašicun etanhan mini wakan opetonpi qa ohakam tuwe wicaqupi aowicayakapi hecen Šado otonwe ekta wayatanin awicayapi ece kaškapi kin he oitonšniyan woyaka keyapi hecen itonšni kin on kaškapi.

Dakota Territory State heca kta on woope kağapi kin qa Tunkanšidan yutan kin on otonwe ota en nina wonihiciye. Onšpa South Dakota kin entu. Tokešta State heca kinhan otonwe wanji otonwe itancan (Capital) heca kta. Hecen otonwe ota wanna itancan un kta nina škanpi qa on mazaska ota mnayanpi. Ft. Pierre (Paha wakan iyohidoke) otonwe kin he Itancan kta wicota kecinpi.

Mr. Oberly Ikcewicašta Awanyaka Itancan kin Democrat heca, tuka aškatudan, Republican qa Democrat wicašta ota wowapi kiciyutanpi qa Tunkanšidan qupi. Republican heca šni keš Ikcewicašta ekta taku owasin tanyan owotannayan econ kta tawacin ece qa ito hecehna un kta wašte kecinpi qa ohdakapi. Tunkanšidan hecetuwicakidaka seca, nakaš oitancanpi kin piya wicakaliniga qa wicayutokeca ota ešta he yutokeca šni, tuka okiye yuhe kte cin he wanna Republican heca kahniğa.

OKODAKICIYE WOTANIN.

Bishop Bedell, Ohio etanhan aškatudan taťapike on yazan heca qa asni kte šni kecinpi.

California obašpe kin he kiyuštapi kta cinpi qa etanhan obašpe toktokeca kağapi kta cinpi.

New York, February 17, heehan wicašta wicke-mna nom Mazaicipaweğa okodakiciye kin opewicayapi.

Nashotah, Wis., ekta wicašta wakan woonspe tipi kin aškatudan tuwe mazaska 6,000 hehanyan okiye.

Tuktenkten anpetu iyohi cekiyapi qa akeš anpetu iyamni qa izaptan hehan econpi qa tuwe wahokonwicakiye ece.

Hekta February 17, he ehan Bishop Hare New York otonwe en hi qa tipi wakan wan en Dakota on wahokonwicakiye.

Fon Du Lac obašpe kin on Mr. Grafton Bishop un kta wanna hanke isanpa hecetudapi qa okinni aškatudan hecen yuwakanpi kta.

Massachusetts obašpe kin on Bishop kin wanna kitanna tehan akasam omani un aškatudan zani hdi qa oyate tawa kin wiyuškampi.

Dr. Saterlee tuwe Michigan obašpe kin on Bishop un kta kahniğapi qon wanna tawaťenye šni ohdaka qa heon Michigan oyate kin iyokišicapi.

Iowa City, Ia., en winohinca wan, atkuku woki-suye kte cin on yewicašipi omniciye kin mazaska kektopawinge nom qu; aicage cin wowiyyanpi kta.

Tipi wakan kağapi kta wawokiye okodakiciye kin aškatudan mazaska tawapi kin etanhan tipi wakan owicakiya wanji kağapi kta mazaska 5,200 hehanyan.

Bishop Speechly, Travancore qa Cochin etanhan wicohan tawa kin enakiya. He Sagadaša okodakiciye etanhan qa wanna yewicašipi omniciye kin tuwe tohe yuhe kta akitapi.

Aškatudan Board of Missions mniciyapi icunhan Mexico ekta akta yešipi. Wanna omaka nom heciya škan. Nakun winohinca nom Japan makoce ekta litanipi kta yewicaši.

Sagadaša ekta Bishop wanji tobašpe kin en wicohan wakan iyopteye kte ça tipi wakan on kağapi kta he mazaska 285,332 mnaye. Decen okihi kin on okodakiciye kun ye ce eyepica šni tuka ni un qa icage kta he woawacin kin heece.

Biohop Bedell, Ohio obašpe kin etanhan, wanna tehan wayazanke ça tohinni akišni kte šni hecen wanna Bishop wicohan enakiye kta he wowapi kađe ça yutan.

Wanna Lent Jesus Akihaniciye ciqon wokiksuye kin, hecen ake Isantanka en tipi wakan okna nina mniciye wicaši qa cekiyaqi qa akihaniciyaqi on woahitani on iyopeiciye wicaši.

Aškatudan Bishop Hare Boston, Mass., ekta hi qa anpetu wanjikji en un qa winohinca yewicašipi wicohan wawokiyapi ece kin, Dakota ekta token wicohan unyuhapi kin owicakiyakapi.

April 25, kinhan Milwaukee obašpe kin on Dr. Knight Bishop kađapi kta. Ieunhan Albany, Iowa, Springfield, qa Chicago, Bishop kin hena en unpi kta. Ehake kin he yuwakan kte cin hee.

Rev. J. J. Gravatt, Hampton etanhan, tuwe ptinhan Dakota šiceca huwewicahi qa Convocation ope ciqon, New York otonwe en tipi wakan awanyake kta he kicopi tuka okinni en ye kte šni kecinpi.

Makaska ekta Hahatonwan wan Wicašta wakan Rev. J. J. Enmegabowh eciyaqi nina iyotaniyeqiya qa akihan keyapi qa heon wašicun token okihiqi wamnakiyaqi. Tokeca hecen akihan kin oyakapi šni.

Aškatudan Faribault, Minn. (Ade otonwe) en Bishop Gilbert wanji Diakon kađe. Koška kin he nahali woonspe kuwa yanka Priest wicohan, tuka Anpetu Wakan eca wocekiye econ qa heon kohanna Diakon kađapi eyapi.

Aškatudan Minnesota en Convocation (cokaya kin) he mniciyaqi qa wicašta wakan ota en hipi qa wohdakapi. Taku cajeyatapi kin etanhan wanji nina cajeyatapi. Bishop wicunyahapi kin he hecetu tuka. Tuka sanpa wicota kađapi kta iyececa kecinpi.

Albany, N. Y., en Tipi Wakan Itancan kađapi kta škanpi. Unkan winyan wawokiyapi kta on ihduwitayapi qa omaka tokaheya škanpi kin mazaska 13,500 mnayanpi. Omaka inonpa kin ieunhan mazaska 15,750 kamnapi. Denakeca yuzapi keš sanpa mnayanpi kta cinpi qa heon nina iyopašttag kiciyaqi kta konzapi.

Oyate maka akan unpi kin wicota qa nakun iapi ota. Apa nakicilionpi qa apa nakicilionpi šni. Hecen tohinni wicašta wan Schleyer eciyaqi iapi wan owa qa oyate iyulpa onspeiciyaqi okihiqi kta iyececa. Iapi kin he *Volapuk* eciyaqi. Owasin onspei kinhan owancaya ia nakicilionpi kta keyapi. Tuka okinni Sagadaša, Isantanka iapi kin he iapi owancaya yuhapi kta seececa.

Hecen toketu he. Dehan Dakota ekta hecen econpi he. Wicašta owasin wokiksuye cin he ohodapi wašte. Jesus unkiyepi on hecon. Hecen tokakije qa towiconte unikisuyapi kta iyececa qa ieunhan tokeca, tuwe wakan qa tohinni woahitani econ šni keš hecen tehiya akipe cin he awauncinpi kta wašte. Kinhan unkiye woahitani econqunpi kin icanteunšicapi kte ça unkohtakapi kta qa wokajuju undapi kta.

OKODAKICIYE WAKAN ON WIWICAWAN- GAPI WAN.

WOONSPE WIKCEMNA NONPA SANPA ZAPTAN.

Wocekiye wocon nakun on.

W. Taninyan cekiyaqi eca wocekiye oecon unpi kin wakanyan u kin taku tokaheya yuwicaka he.

A. Juda Okodakiciye kin oecon tawapi qa wookihi tawapi eciyatanhan, Wakantanka taku tona econpi kte cin, tanka cistinna ko, owasin iyelica econwicaši nakaš.

W. Hehan Jesus toni kin etanhan token yuwicaka he.

A. Sunagog (Otonwewe omniciye tipi) wocon atwapi owayanka qa Wanikiye unkitawapi kin cekiyaqi ca owicapa kin eciyatanhan hena unpi kte cin hecetudakin qa nakun iye lica wocekiye oecon wan unqupi.

W. Nakun taku omakiyaka wo.

A. Wocekiye wocon topa yukan qa hena wanakaja tanhan upi, hecen wahošiyepi lica etanhan upi qa wahošiyepi kin hena Woniya wakan wicaqupi qa ecen wowaške yuhapi.

W. Ehanna (wahošiyepi ohakam) wowapi kađapi kin en taku nina cajeyatapi ece he.

A. Wocekiye oecon kin dena cajewicayatapi qa taniyan cekiyaqi eca oecon token econpi ece kin oyakapi.

W. Tohan waceunkiyapi eca, token Jesus qa Wahošiyepi econpi qon, iyecen econqunpi kta iyececa he.

A. Ho. Woonspe unqupi kin caehde tawa ohna caeunhdepi kta iyececa, qa "wicoiye on zaniyan unpi" hena Okodakiciye ohinni un kin, hena tinza unyuzaqi kta iyececa.

W. Christian unpi kin etanhan tona wocekiye oecon unpi qa Wicašta wakan obe yamni yuhapi he.

A. Owasin tom wicašpapi kinhan etanhan yamni wocekiye oecon unpi ece qa Wicašta wakan obe yamni yuhapi.

W. Wocekiye oecon kin yuhapi on wowašte wan tukte he.

A. Ihnuhan Wicašta wakan wan, woonspe wicakapi šni heca oušpewicakiya hecinhan, wocekiye kin he, qa Wowapi wakan etanhan oehdehde kin wocekiye oecon kin en un, he wicake šni oyakapi kta.

Aškatudan Mr. Matthews, Dakota etanhan waki-conze itancan ope cin he tawicu kin he ša.

Pennsylvania obašpe en qa otonwe wanji ekta anpetu tonana ieunhan wicašta 100 makošica (dotehdihi) kin on šapi.

Tokata Šado otonwe etanhan, Minišoše kahda, waziyata Bismarck (Taspanaju) hehanyan Hemani canku kađapi kta keyapi. Dehan wicašta ota nina kuwapi keyapi.

SANTEE AGENCY,
WABASHA CHURCH.

Koška Okodakiciye Waokiya etanhan tohinna takudan hduotanin šni. Unkan nakaha decen wohdakapi: wi wanji ed ohiniya taku yuotaninpi kta cinpi qa wicašta nom ecunwicašipi John B. Wapaha qa Henry S. Westman. Tokaheya taku yuotaninpi kte cin dee: Okisemaza takojakpaku nom tapi unhnuhanna ta, unma November 1, 1889, qa unma November 17 ed ta. Hehan nakaha March 3 litayetu dee wokiksuye on wotapi tanka wan Andrew Sherman kağa wicašta tona maka obašpe dee unpi owasin qa winyan owas qa šiceca owas. Ed hanyetu osan wotapi qa nina wicota qa mazaska on wotapi he denakeca, \$200.1.

Pahasapa te November 29, 1888. Mary Sherman te March 6, 1889. Hehan Zuyanpidan te March 28, 1889. Dena okodakiciye etanhan tapi. Hena Wakantanka wicadapi qa hena ohnayan wacekiyapi.

Koška okodakiciye de wicohian de nina tanyan yuhapi; taku ota on tanyan econpi, qa wicohian wašte ota econpi. Wanihan nape kiciyuzapi ehan mazaska denakeca on yusotapi \$127.50. Koška okodakiciye de wookiya hecapi, nakaaš, tuwe wowayazan yuha ca taku kašta owa on nina lica okiyapi ece, hecen on dehan taku kin denana obdake kta. Ake tokata wi ed Koška itancan qa dee wicohian tokenken ed wicohian yuhapi hena obdake kta.

Nitakodapi wanji, SAMUEL JONES.

SISSETON AGENCY.

BAPTIZMA.

March 3; heehan St. Mary Tipi Wakan ohna Charley Owens qa Angie Stay.

WICATE.

March 1, heehan Edna, Mazahowašte qa Hannah Waholipikoyakewin cincapi.

March 25, St. James oyanke en, Bessie Bohalawin hapi.

March 29, he ehan Louisa, Felix qa Cecelia Rondell cincapi kin he hapi.

March 31, Elizabeth, Charles Lovejoy he hapi.

April 8, St. Mary's oyanke en Mrs. D. J. Robertson unhnakapi. Wicalica tawicu kin he dee Wanna tohan kakija tuka dehan Paradise ekta Jesus kici un.

March 12, heehan Nancy Quinn, he W. S. Quinn tawicu, qa Solomon Wicanlipinonpa cuwintku.

Den Episcopal Okodakiciye aihdepi kin ehantanhan, winohinca kin de opa. April 25, 1883, heehan wicayusutapi ope, qa hetanhan te cin behanyan token okihi kin Wakantanka itoheya mani. Hekta omaka teca etanhan wayazanke lica un. Eya itokam hececa tuka ehake kin he on te kte cin tanin.

Wakantanka nina wacinye qa ohinni wocekiye ekiyapi kta cin. Hecen koškapi qa wicašta wakan kin wanyag ipi wocekiye eyapi.

Winohinca kin de hihnaku kici tokahi Episcopal Okodakiciye en wakan kiciyuzapi. Eya dena uniksyapi, qa atkuku, hunku kici cante unšicapi, tuka wowacinye unhapi qa tokešta tokata iyehantu kinhan, ake waunkiciyakapi kta.

CHEYENNE RIVER AGENCY.

Koda:—Wi kin de en koška wan Zintkanasapa eciyapi cinca waniyetu wanji sanpa hanke hehan te; wihiyayena šakdoğan apa hehan te.

Hehan ake wicaša wakan cinca wan te, de wicincana kin waniyetu topa, wihiyayena šakpe hehan ta.

January 14, 1889, hehan koška wan Maka eciyapi cinca nonpapi owecinhan tapi unma waniyetu nonpa qa unma kin is waniyetu wanji.

February 7, 1889, Simon Kitto cinca waniyetu yamni hokšina he te, wihiyayena šakpe ape cin hehan niya ataninšni; he wicoie token yuhe cin obdake kte do. Wana hokšina te kta unkan atkuku wanyake qa ina, eye, qa ake tunkanšitku wankdake qa tunkanšina eya yanke qa ecen te. Ho, hecetu.

Hehan ito iapi wanjikji epin kte do. Wakan-tanka Cinhintku Woniya Wakan hena yamni wokiconze tawapi kin Titonwan wicakipazo qa inihanpi qa miš nakun hemacece kta epca qa hetan wicoie wanji weksuye do. Matt. 24 hehan iapi oekde 37, 38 Nowa taanptu qon hena Wicaša Cinhintku kin hi kte cin iyecece kta. Minitan qon isanpa kta kecanmi do. Wakantanka wokonze wipe tawa kin tuwe heon opi can tohinna bosdad najin okihi šni ecee, do. Ihopo koda, wiconte pesto kin nihiyakde šni itokab Wanikiya kipatujapi ye tona baptizma wakan ničupi kin kiksuyapiye. Ito mitakodapi anpetu kin dehan Titonwan oyate en wakanheja ota tapi wonihinciye tanka seece do. Hehan wašicun wakan owasin koda Titonwan oyate ekna hiyumayapi kin ehantanhan waniyetu akešakdoğan ekna-waon qa Wotanin wakan obdaka qa dehan wana wanihonpi kin waštedapi lica, iho hecetu. Hehan wašicun wakan hemaca kta wakuwa šni tka oyate owasin wiconi okna yapi kta wacin, tka wana matakuni šni do, wana waniyetu wikcemna šakpe sanpa mašakdoğan. Tuwe wowapi kin de yawa kinhan miksyuin kta wacin ye do. Wana henana epe kta, koda owasin cante ocowasin napeciyuzapi.

JNO. KITTO.

WICATA.

Lecala ake winyan wanji unkišapi winyan kin le winyan omniciye wanji ee. Winyan kin le wicohian wakan el token okihi mazašala tawa kin eknaka ece. Hinknaku kin wicaša walipanica heca qeyaš walitagya mazaša tawa on wicohian wakan okiya ecee. Winyan le wana te kta el miye wocekiye ecawecicon; yukan el ehake Itancan tawocekiye kin qa olowan wanji unkahiyayapi el ehake Takuwakan ilowan qa hehanl ta. Olowan kin lee, 92. Hinknaku kin lecel eciyapi Ed. Matohinhota. February 6, 1888 el ta.

JOE. K. YARDLY.

YANKTON AGENCY, DAK., March, 1889.

St. ANDREWS GUILD de koška ounpapi kin hena ANPAO nina icagin kta uncinpi qa on de ANPAO yaotanin unšipi. Owakpamni toktokeca kin eced tona koška omniciye, GUILD, yuhapi kin hena etanhanhan koška nom qaiš toked okihipi ANPAO opeton wicaši unpi kta e wicayakdahnišapi kta uncinpi.

ANPAO.

Entered at Greenwood P. O. as Second Class Matter.

REV. J. W. COOK, }
REV. E. ASHLEY, } IAPI KAHNIGAPI.

MAY.

1. Saint Philip qa Saint James taanpetupi kin.
5. Easter iyohakab Anpetu-wakan inonpa kin.
12. Easter iyohakab Anpetu-wakan iyamni kin.
19. Easter iyohakab Anpetu-wakan itopa kin.
26. Easter iyohakab Anpetu-wakan izaptan kin.
- 17, 28, 27. Wokidapi Anpetu yamni kin, Ascension Anpetu kin itokab wokidapi qa wocekiye on piiciyapi kin.
30. Ascension Anpetu kin, ed Christ wankand kihda.

WICONTE ED WACINYEPICA.

Ehantanhan wana waniyetu ota wita wan, Anglesey eciyapi, hed taku wan otanin qa tona he nahonpi kin kiksuyapi naceca. Wikoške wan wayazan awariyanke cin heca hoksiçopa wan okasniyan yuha omani kta e adoksohan icu qa canku wan anokatanhan cankaşkapi e okna yuha ya. Takuna tokeca awacin mani šni, tka wakanheja kin de eceena toked wokokipe etanhan yuha kte cin he awacin kin icunhan canpakmiyanan war kagya u nahon, heced hakikta unkan šunkakan canpakmiyan wan qin napapi e canku kin okna upi wanwicayaka. Kahape cin hinhpaye çaiš toketu kin oyakapi šni. Canku kin ocisciyena qa canpakmiyan kin ošins u, heced toked napepica šni. Hehan wikoške kin wakanheja kin kici kahailpe wicayapi qa wicaktepi kte cin tawaten ye šni. Heced wikoške kin de wakanheja kin conkaške wankantuya kin sanpatanhan kahona iyeya, he icand canpakmiyan qin napapi kin hihuni qa wikoške qon kahailpeyapi qa inabdaska iyopta iyayapi. Wakanheja qon e tuktena oyazan ye šni icupi. Wikoške wacinyepica kin de awanyake cin nikiya ça iye e ta. Okicize ed akicita wanjina wikoške kin de iyeced waditagya ohanye ça te šni.

ST. JOHN BAPTIST TIPI WAKAN.

Hapstin ta, March 7, 1889, ehan te. Wakanka kin de waniyetu 90 iyehantu keyapi. Wicalinca wan Pašakiye eciyapi kin he tankeku. Presbyterian okodakiciye en opa. Token ope cin he Wita wakan (Davenport, Ia.) entu. Hecen Jesus iyeye cin ehantanhan waniyetu 24 ecetu. Wakanka kin de waniyetu 13 hehanyan tonwe šni, qa anpetu wi iyoyanpa icakiš un. Ecen ihnuhan wayazanke qa anpetu akewanji hehanyanna wayazanke qa anpetu iyakewanji kin en wiyotanhe cin behan ta. Wicoie ehakehi eye cin he dee. "Wanna mde kta ce. Sagye micu ye Itancan nape umakiyaye." Eye qa hecen niya šni iyaye, qa March 10, 1889, wiyotanhan sanpa hehan St. John Baptist Tipi wakan en ahipi qa en wicaliahi yanke cin hen apeya lnakapi.

WINYAN OMNICIYE KIN.

Niobrara Deanery ed Winyan omniciye Wotanin wašte ayapi on wamnayanpi kin cankokašana etan. January, 1889.

CHEYENNE AGENCY.

St. Paul's Chapel, McKenzie's Point—
Toketu keçeyaš Wotanin wašte ayapi on . . . \$ 19 33
St. John's, Fort Bennett,—Toketu keçeyaš
Wotanin wašte ayapi on . . . 2 50
St. Andrew's, Chargers Camp—Toketu keçeyaš Wotanin wašte ayapi on . . . 2 28

PINE RDIGE AGENCY.

St. Barnabas'—Hasapa ekna Wotanin wašte ayapi on . . . 8 23

YANKTON AGENCY.

Church of the Holy Fellowship—Makoce tokan Wotanin wašte ayapi on tipi-wakan womnaye . . . 5 56
Makoce ded Wotanin wašte ayapi on, Wašicun ekna . . . 5 55
Church of the Holy name' Chateau—Toketuya keçeyaš Wotanin wašte ayapi on . . . 82
St. Mary's Church, Flandreau—Toketu keçeyaš Wotanin wašte ayapi on . . . 1 15

CROW CREEK AGENCY.

Christ Church,—Dakota wicaša wakanpi kin on . . . 12 54
St. John the Baptist—Africa ed hasapa unpi kin ed, Wotanin wašte ayapi kin on . . . 11 36

SISSETON AGENCY.

St. Mary's Church—Dakota wicaša wakanpi on . . . 2 78
St. John the Baptist's—Dakota wicaša wakanpi on . . . 9 07
St. James'—Dakota wicaša wakanpi on . . . 1 66

ROSEBUD AGENCY.

St. Mary's School, Cheerful Workers—Dakota makoce ed tipi wakan kağapi on . . . 20 11
Ataya, . . . \$102 38

New York ed Wotanin wašte ayapi Okodakiciye ed mazaska awanyake cin wana dena yekiyapi.

SANTEE AGENCY, NEB.

Makoce tokeca ekta qa makoce en wotanin wašte ayapi kin on yuakipab eknakapi kta.
Church of Our Most Merciful Saviour,—
Owakpamni . . . 9 27
Church of Our Blessed Redeemer,—Miniwašte, . . . 6 94
Church of the Holy Faith, Wabasha . . . 17 40
Ataya . . . \$33 59

May wiyawapi ehake kin hehan ake cankokašana kin hena yulidokapi kta.

WAYLAND'S ELEMENTS OF MORAL SCIENCE.

WICOWOYAKE 2.

Onśpa 2, Ehake Iapi Kin.

Taku kin deed taku wanji qaiś nonpa taninyan yanka.

1. Taku owotanna econqunpisa kinhan ohanke-ta taku owotanna kin oecon wašte scecin kta, qa taku wašte econqunpi kin on wowiyuſkin unikdamnapi kta. Hehan nakun wowawiyutanye itkokib naunjinpisa kinhan ohanketa takuſniyan itkokib naunjinpi unkokihipi kta. Qa wowašte deced econqunpi kin on sanpa qa sanpa unkowotannapi kta qa unkohianpi kin ohanketa sutaya hin kta.

2. Unman eciyatanhan iś, taku owotanna ſni econqunpisa kinhan wowiyutanye itkokib naunjinpi kte cin nina tehikin kta. Qa woahitani ed unkiyohipayapi sa kta, qa wowakta unkitawapi kin ſicaya unkuđhapi eśa ed e unwacinpi kte ſni. Heon woalitani ed sanpa unyanpi kinhan hankēya wowašte etkiya unikduhominpi kte cin oeconſicin kta, qa hetanhan heyab unikdoyapi kta awauncinpi qon ohanketa owihanke kta.

Qa heon, toked wowašte ed aiunkiciyapi kta, qa wowiyutanye itkokib najinunwacinpi kta iyecece cin sdodunyanpi. Woecewakta wanji unyuhapi hantanhans wancakna etanhan heyab unikdoayapi kta unkuwapi kinhan unkokihipi kta, tka tehan unkapipi kinhan ohanketa oecon ſicin kta. Woecon akta kin de sanpa icagin kte qa etanhan unikduhapi kta e on wowaſake unnicapi kin on. Wicaśa itokab unkiyohianpi kin decca hecinhan iyotan Wakantanka itokab tokeli eca owotanna ſni ced.

Juvenile Miscellany ed woyakapi kin de iyececa iyewaya.

Wihiyayena wicayulica wan. Winyan wan hinhanna can tohand kikta kta cin keś okihi ſni, unkan wihiyayena wicayulice cin heca wan opeton. Wihiyayena kin dena oape tohan kiktapi kta cinpi kin he iyehand ekdepi can tohand oape kin he ehani can hdayena han ecee.

Winyan kin de oape tohand kikta kta cin qon iyehand ekde qa oipahin kin ed ikiyena ekde. Wana ehani qonhan hdayena han nahon qa wancak kikta, qa hinhanna kikta kin he on tanyan anpetu kin he ataya un. Anpetu wakan tona hecon yanka. Wihiyayena kin tohinna ayuſtan ſni tohand ehan i can hdayena han ecee. Tka hankeya winyan kin hinhannanna kikta kin iwatuka, qa ake hinhanna wan ed hdayena han nahon tka, ikpaptan qa ake iſtinma. Unkan decon yanka ohanketa hdayena han keś tohinni nahon ſni, eya wihiyayena kin heceknana eyaśna hdayena han ecee qeyaś anagoptan ſni qon heon ohanketa ecewakta. Unkan winyan kin wana nakun hecacona unqeyaś etan toka kte ſni kin he awacin qa on deced awacin, to tohan ake hдахin kte cin han wancag nawajin qa icinonpana waa-nagoptan kte ſni ſni ye.

Onwiunyukanpi kin iſeya de iyececa. Taku econqunpi kta awacin unyanpi kin hena eced econqunpi ecee kinhan unkitawacinpi ho kin ohinniyan naunhionpi kta, tka taku wan owotanna ſni sceca eśa econqunpi kinhan ohanketa onwiunyukanpi ho kin unyulicapi okihi kte ſni.

WICOICAGE TOKEN KAPI QA ETANHAN WOWIYUKCAN KIN.

WICOWOYAKE 21 : 22-34.

Abimelek Abraham Kici Woecakicicon Kağapi.—22-34.

22. “Unkan hehand Abimelek qa taakicita tancan Pikol henioza Abraham eciyapi”—Isaac tonpi kin kitanna iyohakab naceca. Abimelek—Gerar ed itancan kin (w. 20:2; 26:1, 16)—Pikol—owasin i tawapi kin, he kapi; Abimelek ihukuya iyokihe kin hee. “Taku ecanon kin kin owasin ed Wakantanka oniciya”—hekta akipapi kin (w. 20) nakun Isaac tonpi qa Abraham tohan ece kin hetanhan iyukan qa heya naceca. Qa okini Abraham woyawašte tawa kin ed opa kta e akita naceca (w. 12:3).

23,24. Woecakicicon kağapi kta e wahokiciyapi.

25. Tka sutaya kağapi kte cin itokab Abraham taku wanji on icanteſice cin he kici iwohdake qa kduſtan. Ecin makoce puze cin he ed miniiçapi kin hena taku wanji iyotan yawapi ece chantanhan qa anpetu kin dehand, qa eciyatanhan wokipajin ota icage sa (w. 26:20; 29:8; Kdi. 2:16, 17) Abraham waniyanpi uina ota wicayuha qa Abimelek taokiye minilidoka kipi kin on nina iyotaniyekiyapi canke odakodkiciyapi kağapi kte cin itayena de taku kin kduſtanpi kta iyececa.

26. Abimelek Abraham kiba. Ecin Abraham tuwa itancan kin taku ecinſniyan econpi kin takuna okiyake ſni qa he sdodye ſni ehantanhanſ on iyoeyin kta iyececa ſni. De ed Abraham kduſna.

27. “Unkan Abraham talicaſunka ptewaniyanpi koikikeu qa hena Abimelek qu”—woecakicicon kağapi ca heced taku wicakupi ece kin he oknayan (1 Wicaſayatapi 15:19; Isa. 30:6; 39:1). Abraham Canan makoce kin ed hiyu qon iś iyeced Mamore, Aner qa Eſkol kici odakodkiciyapi kağa (w. 14:13).

28, 30. “Hehand Abraham talicaſunka cinca wi-yena ſakowin dehanyag ewicakde”—dena on Abraham iś iyatayena taku wanji tokeca kuwa. Ecin makoce kin he tawa ſni, tka ed ounyin kta e iyowinkiyapi. Hed mini içapi wan qe qa heon tokata nagiyeyapi kte ſni e tacinca dena on wahokiciyapi kin kdusutapi.

31. “Beerſeba”—içiconzapi mini içapi kin, he kapi. Hebron otonwe kin etanhan itokalikiya iyutapi (miles) 12 ecetu hetu.

33. “Unkan Abraham Beerſeba heciya taſkoju wan oju”—okinni de taku econpi qon on kiksuyapi kta e iś ohanzi ed yankin kta e—“qa hed” canwoju-pi kin ed kapi ſni naceca tka Beerſeba oyanke kin hed—“Jehovah taku Wakan owihanke wanica hoyekiya”—Tuwa wodakota kağapi kin hecena yusuta kta okihi kin he icekiya.

34. “Qa Abraham Philiſtim tamakocepi kin ed anpetu ota ounyan”—oehde 32 kici iwanunyakapi kinhan toketu tanin ſni sceca, qeyaś Beerſeba Philiſtim tamakocepi lica ed opa ſni eśa okinni oyate kin he tawa kdawapi naceca; iś he Philiſtim tamakapi kin opapun ed hau, qa Abraham waniyanpi wihanwicakiye cin tuktekted Philiſtim tamakocepi kin ounyan naceca.

WICOWOYAKE 22.

Wakantanka Abraham Iyutanyan 1, 2.

1. "Unkan hena owasin iyohakab"—Okini waniyetu kitana ota naceca. Ecin Isaac nahalicin ciscina han Abraham Abimelek kici odakota kagapi naceca, qa delhand Isaac koşkanaka icaga, waniyetu akeşakowin is sanpa naceca,—“Wakantanka Abraham iyutanye ça heciya”—Wicaşa awicakehan şicaya econpi kta e Wakantanka tuweni iyutanye şni (St. Jakob 1: 13), tka taku tokeca kin on. Wowapi Wakan kin ed wicoie kin de iyutanyan on taku nonpa kapi: (1) taku şica cinwicakiyapi qa econ wicakiyapi kin he (1 Thess. 3: 5); qa (2) toked canteyuzapi qa awacinpi kin he kdutaniipi kta e (Kdi 16: 4; Wope Ita. 8: 2; 13: 3; 2 Anpetu Oyakapi 32: 31; Ps. 26: 2). Tka Wakantanka iyutanwicaye şni itokam wicaşa tawacin ataya sdodwicaya ehantanhanş toka e decekced wicakuwa he. Heciyatanhan onspewicakiye ça sdodişiya wicaye ça toked cante mahed tawacinpi kin tokanpi kin ekta wicakipazo.—“Abraham, eya houkiya. Unkan Iho miye ce, eya”—Okinni wowihanbde ed heced hekiciyapi naceca, tka toketu keşeyaş Abraham Wakantanka ho kin iyekiya.

2. "Unkan, Nicinkşi heşeyena waşteyakidake cin"—İsmael wana ehana tokan yeşi, qa Sarah Abraham tawicu kin hecena Isaac cinca qa işuana yuha kta, qa wahoyapi kin eciyatanhan ton, qa Isaac hecena woiwahoye kin yuha kta"—Wicaşa owasin Wakantanka cinca hecapi, iye wicakage ça icaliwicaya yedakaş, tka hena İsmael iyeced Atkukupi kin etanhan tokand iyayapi qa walitanipi. Iye cinhintku heşeen a iyotan waştekidake cin Isaac iyeced Atkuku kici un kin qa woiwahoye eciyatanhan tonpi qa taku iyuha tawayin kta. "Isaac he icu, qa Moriya makoce kin, ekta ye ça heciya he wan ociciyakin kte cin he akand petan wahduşna ye"—De taku iyotan tehika econşi kin tokae Abraham wancahnana wicada şni he. Ecin Kaşdim oyate eciyatanhan Abraham hiyu qon qa nakun Canaan oyate owicaşeya hiyu kin hena tukted wicaşa wawicayuşnapi iye taku wakandapi kin ekta, qa Abraham wana Wakantanka wowicake kin sdodya, qeyaş de taku econşi kin Iye waliteda şni Abraham nahalicin abdeze şni naceca, can he econşi kin eced econ kta e şkan on cante nina yazan eşa. Wakantanka deced econşi kin eciyatanhan Abraham Iye ed wacinye cin iyotan iyutanyan. He cinhintku nina ihakta qeyaş Wakantanka kin he iyotan wacinye ça anaşoptan; iye tawacin kin hee şni, tka Wakantanka tawacin kin he eced econ kta e akita. De econmaşi kin wahomaye cişon he oknayan ce, eye şni; "Wiconşe ee kaeş etanhan Wakantanka ekicetuya okihi he wicada "(Heb. 11 19). Wakantanka taku unqupi kin he waşte qa nina ihaunktapi keş, tuwa unqupi kin. He iyotan waşteundapi kta iyeceda, de on onspeunkiyapi. De iyohakab tehan Jerusalem otowwe kagapi qon "Moriya makoce kin" hee, qa hed paha qa imnişia akand tipi wakan tanka ehdepi qon "he wan" cajeyate cin hee (2 Sam. 24: 16; 2 Anpetu Oyak. 3: 1). Moriya eyapi kin, Jehowah kaşnişe cin, iş Jehowah tawowanyake kin, heceed kapi. Hed Juda oyate iye walitanipi kin on woşnapi econpi ece qon, qa hed ikiyena oyate owasin walitanipi kin on Wakantanka Cinhintku hecena qa waştekidake cin canicipaweğa kin akand waihduşna.

CHEYENNE RIVER AGENCY.

ST. JOHN'S CHAPEL, February 23, 1889.

Dear ANPAO: kola, taku wanji laotaniin wacin ca he lehanl cişu kte. Cheyenne Agency el Koşka Omniciye unpi, February 17, 1889, el lecen apiyapi, qa tonakecapi kin ko cajepi kin lena qa tona wicohan yuha kin lena eepi: Matt. Matocatka, Itancan tokaheya; Ed. Matohinhota, Okibe; Joseph K. Yardley, Wowapi kaga; Thomas Yuhainajin, Mazaska awanyaka; Jas. Meeter, Wamnayan; Wayazan awanyaka topa, Jas. White-horse, St. John's Chapel el; Joseph Horse-with-horn, White Horse camp; Black Bird, St. Paul Chapel; N. Anpetu-nupa, Iyakaptapi el. Tiyoşa awanyaka: Jacob Little Bull qa Samuel Şinteyuwi. Hehan ataya lenakecapi, 38.

Hehan lecala Yewicaşipi heca eya Fort Yates ekta iyayapi, wicaşa şakowin iyayapi lena cajepi, St. John's Chapel etan, J. Little Bull; St. Paul's Chapel etan, Black Bird; St. Thomas' Chapel, Joe. Horse-with-horn; Calvary Chapel, Moses Wanmlikleşka; St. Andrew's Station, Matt. Waanatan; St. Stephen's Church, Şunkleşkasapa; Chapel of the Ascension, Jas. Meeter.

Yours Very Truly.

J. K. YARDLEY.

ST. THOMAS CHAPEL, HINHAN WAKPA.

ANPAO: kola, ito St. Thomas Church en token Wakantanka litakinipi kin qa miş token slolwaye cin mitakolapi iyuşkinyan le wakage lo. Winyan omniciye kinhan le omaka kin en token şkanpi kin he lecetü. Ito, January 31, 1889, en winyan wamnayapi kin toka econpi. Winyan omniciyepi kin lenakecapi 35, unkan \$7,67. Qa hehan taku ikcekeşeya kin inş lenakeca \$15. Eya hena nakun mazaska lica unkikamnapi kta on hecen econşonpi. Unkan hen akeş lecen awacanmi, tonkin Wakantanka onşunkilapi na unkicantepi ekta wawalitake woableze unqupi ca letanhan tokatakiya iyotan waşte eceela econşunpi qa awauncinpi ni, epca. Taku epin kte cin ake wanji lee: December wi 1888, hetanhan woyazan wan en unhipi, unkan lenakeca unşapi. December 2, 1888, Taşunkeolhanko cinca wan te, qa December 12, Zitkalaluta cinca wan te, qa January 2, 1889, Şunkawanbli cinca wan te, qa January 3, Şnainyanke cinca wan te, January 10, Matohota cinca wan te, qa January 17, Matowakpa cinca wan te, qa Eknaşnyanke cinca wan te, qa January 18, Matowitko cinca wan te, qa January 20, Haakamyela cinca wan te, qa February 6, Cetanwakuwa cinca wan te. Ho hena şapi, tka hena şapi ce epce şni hena tankapi şni qa taku şica econpi şni kin on lila cante unşicapi eşa akeş cantewaşteya ewicunkiknakapi do. Ho, mitakuyepi, eya anpetu iyohi canteunşicapi tka he icunhan lila Wakantanka unkicişpi un kta ca iceunkiyapi. Eca iye wana hena maşpiya wokiconze ekta cantewaşteya unpi cen, epca waun. Ecin unkiyecinka taku awauncinpi qa econşunpi kta unkokihipi şni. Ho, hokşicopa henakeca wicunknunişpi tka olowan wowapi wan weksuye; olowan 25, "Hokşiyopa cistinna wan Jesus en u kin wanyaka, Hehan onşikilake ça kicanpte qa yawaşte ce."

ANTOINE T. GARTER.

WICATE.

Emmanuel Chapel, White Horse's Camp.

ANPAO: Ito dehan taku wanjigii oyagciši kta wacin ye lo. Eya ANPAO kola, wicašta owasin wayaotanin nišipi kta cinpi. Icin walaotanin kta yaun kin heon ohinnian woyagnišipi. Ho heon, ito mišeya woyagciši kta wacin ye lo.

January 7, 1888 heehan Antoine Ptesanmani te waniyetu 40.

August 9, 1888 heehan, Francis Wicisciwin te, Waniyetu 10, Tašunkeohanko Agnes Napelutawin cincapi.

April 28, 1888 heehan Walicaziwin te, waniyetu 1 Philip Tašunkeska Louise Ptemazawin cincapi.

May 8, 1888 heehan Noah Mazawakan te, waniyetu 20, Ungcegece qa Lutawin cincapi.

November 23, 1888 heehan Julia, wicincala waniyetu 1, Tašunkeohanko Agnes Napelutawin cincapi.

December 18, 1888 heehan, James te, waniyetu 2, Charles Zintkalaluta qa Jane Unpagiwin cincapi.

January 3, 1889 heehan, Moses te, waniyetu 3, George Šunkawanbli Julia Cokatainyakewin cincapi.

January 4, 1889 heehan, Thomas te, waniyetu 1, Reuben Šnawakuwa qa Sophie Kinyankuwin cincapi.

January 10, 1889 heehan, John te, waniyetu 2, Solomon Matohota qa Alice Zitkaziwin cincapi.

January 17, 1889 heehan, Hapanwin te, waniyetu 1, Matowakpa Julia Heskawin cincapi.

January 17, 1889 heehan, Adam te, waniyetu 1, Sanis Eknainyake qa Cetanskawin cincapi.

January 18, 1889 heehan, Thomas, Cokataopila te, Waniyetu 3, Matowitko Hoksila qa Mary winyanwašte cincapi.

January 30, 1889 heehan Lucy Hanhepimazawin te, waniyetu 1, Okleto qa Nakpaoginwin cincapi.

February 6, 1889 heehan, Louise Anpetuwin te, David Cetanwakuwa qa. Alice Wipuhila cincapi.

FEBRUARY 20, 1889.

Wicoti yamni etanhan winyan omniciye teca icağapi hena Itazipco oyatepi etanhanpi, wicoowotanna ohnayan ihduhicapi. Eya nahanhin tipi wakan yuhapi šni ešta wanna cankağa tipi wan yuhapi kta e yuwitayapi. Hen winyan kin dena škanpi qa token okihipi mniheniçiyapi škanpi. Winyan omniciye en itancan kin he Julia Tašunketokcawin ee, qa Elizabeth Hdeškayuhawin he okihe; Mary Wasukewin wowapi kağa, qa Jane Kiciwaštewin mazaska awanyaka. Esther Hinhandutawin, Mary Wocanteheyewin, qa Tašunkeskawin wamnayan yuhapi. Nellie Hotaninwin imniciyekiyapi.

Dena decanan icağapi okodakiciye kin. Unkan nina icante mawašte qa heon tona wacekiya wicašapi kin hena kodapi de wanyakapiye qa heon sanpa un škanpi kta iyecece. Ohanyanpi 20 : 35. Nitakoda.

G. W. PAY PAY.

ROSEBUD AGENCY.

BAPTIZMA.

Church of Jesus. Owakpamni ekta February 10, 1889 he en *Josephine*, Meadean qa Louisa Douville cincapi; *Dick*, he John Omahahokšila qa Katie Kangiteziwin cincapi; *Phoebe*, he William qa Mollie Bordeaux cincapi; *Anna*, he Sintegleškahokšila qa Wicincala cincapi; *Sarah*, he Joe qa Sally Prue cincapi; *Fred*, he Wagmunhanska qa Hinhanlutawin cincapi; *Hattie*, Šunkawicalica qa Kahinigewin cincapi; *Albert*, he Matonajin qa Cetanwin cincapi.

St. John's Chapel. Cangleskawakinyan wicoti ekta February 12 he ehan, *Nellie*, he Wiiyayulia qa Wamniyomniskawin cincapi; *Clema*, Tatankasapa qa Wakišakewin cincapi; *Himes*, he Tatankaluta qa Ptesanwanbliwin cincapi; *Nora*, Wahacankainyanke qa Škecatowin cincapi; *Ward*, he Cannuhunpaska qa Wamniyomni cincapi.

St. James' Station. Waziwakpala ekta February 13 he ehan, *Edward*, he Mahipiyawakuwa qa Unpanhinskewin cincapi.

St. Matthew's Station. Wakinyanska wakpala ekta February 14 he ehan, *Mary* Garneaux.

Calvary Chapel. Utahuwakpala ekta February 15 he ehan, *Millie*, he Solomon Unte cinca; *Rebecca*, he Smith Gunhammer cinca; *Paul*, qa *Ida*, hena Matokokipapi qa Wanblićanunpa cincapi; Hehan tipi ikceka wan ekta *Benedick*, waniyetu yamni, he Wanblićakan qa Tasagye cincapi.

St. Mark's Chapel. Onağu wicoti ekta February 16 he ehan, *Charles*, he James qa Lucy Clairmont cincapi; *Jacob*, Tatankasapa qa Ihaćawin cincapi; *Robert*, Wahacankasna qa Kezewin cincapi.

Ephphatha Chapel, St. Mary's School ekta February 17 he ehan, *Otto*, Tahćaheton cinca; *Amy*, he Ptesanhunka Tašinawaštewin cincapi.

Dena Rev. J. C. Taylor Baptizma wicaqu.

PINE RIDGE AGENCY.

March 5 1889.

ANPAO: De litayetu kin ake O. K. O. O. kin mnicoyapi. Mark Spider, Catechist, wacekiya; wicacaje yawapi; February 5 ehan miniciyapi wocon oyakapi kin yawapi; Wicaša 37 hipi.

Wicaša tob wosukiye iwanyakapi kin etan wauna iakenonpa (12) kin he icupi kta ca Wowapi kağa yawa; he kakel owapi;

"Oegle 12. Tuwe keçeyaš cin kin Omniciye kin le opa okihi kta, tka eyaš wicayusutapi opa (confirmed) ece woitancan (office) kin wanji yuha okihi kta. Woštanpi (vote) tognayan opewicakiyapi kta."

Rev. Amos Ross cin šni na on etan lila akinićapi; wicašta ota iwoglakapi na icupi kte šni yu štanpi.

Enakiyapi kta yataninpi, okiciyapi na yuštanpi. Lowanpi na enakiyapi.

WM. M. ROBERTSON,

O. K. O. O. Wowapi kağa.

PINE RIDGE AGENCY.

ANPAO wana lila tehan wowapi waqu šni na on ota iyopemičiya, tka wancag "ito najinwahiyayin na ake ekta wakni kte" eyapi kin he oyešica hunše lehan omičihi šni.

Eya ohinniyan taku oblakin kte hcin kin yukan, tka oanpetu wan el toka kin hena epin kta iyececa kin he tohinni el mahi šni seleeca. Lehanl taku oblakin kte cin ota kin heon oyasin icijelakeš owawa kta.

Convocation ekta yahipi na yakiyaklapi qon he iyececa Rosebud Agency ekta wai na Bishop kici wocekiye oyanke oyasin ecel omani. Tankapi na wakanheja tonakel miniawicawakaštan. Wikcemna nonpa akikle seca wahokonwicawakiya. Priest wanji hel un šni kin on cante mašica, tka akeš hecanmi "Wakantanka iye tohanl iyehantu lake cinhan heca wanji uwicakiyin kte lo."

November 1 he ehan Mr. Rose ti hel akliwacewakiyin na tona miniawicakaštanpi. Ho, November hetanhan na lehanyan yunkan Pine Ridge oyanke kin el ataya 60 miniawicawakaštan, tankapi na ciqapila koya. Mr. Rose tonakeca inš eya Baptizma wicaqu kin nawahon šni.

Wicašta 14 wakantawicutonpi, na 14 wicahapi, owakpamni kin el.

Leciya yahipi qonhan tipi wakan nom kağapi qon hena wana napin yušanpi na lila waštešte. Bloketu kin le ake nom unkağapi uncinpi; unma Wašicun Tašunke ti kin el, na unma kin inš Wagneza wakpa kin hel. Wikcemna aktongan hel lecala Baptizma wicawagu. El wana waku Winyan Wakağeğepi Omniciye wan icaga. Wakantanka ounkiyapi kinhan tipi wakan kin heniyoš icagin kte. Le waniyetu kin oyate kin lila wawicayazan. Measles he ewicaceca. Miš eya micinca kici emaceca na miye anpetu wakan yamni tiyohuni šni walpaya. Hekta anpetu wakan oko he el ataya šakloğan (8) wicaunhapi. Tuesday april 2, he hinhanla kin el yamni kaska wicawaha, na litayetu šnihan ake wanji unhapi. Wakanheja waštešte wicakište cin on "tona ceyapi kin hena om unceyapi." Lent hihunni ehantanhan lila owanji unyakonpi šni. Owakpamni kin el ohtayetu oyasin waceunkinyapi, na el nakun wahokonwicakiyapi. Ohinniyan oyate kin tanyan hipi, na Wakantanka toiye kin yuonihanyan anağoptanpi seleeca.

Holy Week opta anpetu iyohi nonpa wacekiyapi kta, hinhanla qa litayetu kin el. Good Friday anpetu el yamni akikle wacekiyapi kta. Mazaškanškan 12 na 3 hehanyan wacekiyapi kin wanji kta—*Three hours service* eciyapi. Šakowin akigle wahokonwicakiyapi. Wocekiye woecon kin lena ataya miye ecamon kta. Holy Week opta Catechists kin oyasin lel unpi kta. waonspewicawakiyin kta ca. Good Friday el miye kici unpi kte cin on cantemawašte.

Easter anpetu kin he el šakpe akigle waceunkiyapi kta. Hinhanla hcin mazaškanškan 5 kin oštan Itancan Htayetu wotapi tawa kin he econpi kta, na ptelyela wahokonwicakiyapi kta. 9 ape cinhan wašicun ia wacekiyapi, he iapi kin oknayan wahokon-

wicakiyapi, na ota miniawicakaštanpi kta, 58 hena-kecapi kta. 11 ape cinhan ake Lakota ia wacekiyapi, wahokonwicakiyapi, icinonpa Itancan Htayetu Wotapi tawa kin wicaqupi kta, na tuwawa miniawicakaštan kta. Nonpa sam okise ape cinhan Sunday School wacekiyapi kta, wahokonwicakiyapi na wiwicayungapi kta. Prizes, Easter Cards, na Easter witka toyapi nainš šayapi (250 ece-tu) wicaqupi kta. Le enakiyapi kinhan hehanl Wicahapi makoce kin ekta oyasin unyanpi na okšan unkomani na hehanl cokata ceunkiyapi na ake wahokonwicakiyapi kta. Koškalaka omniciye kin wicahapi makoce kin tanyan apikiyapi kta. Hehanl šakowin sam okise ape cinhan ake tipi wakan ogna wacekiyapi na wahokonwicakiyapi kta. Wacekiyapi kin le el wocekiye kin oyasin ohiyayapi kta nakun wowicala kin, Itancan Tawocekiye kin oyasin, na Psalter kin. Leciyatanhan Wocekiye econpi kin he *Choral service* eya cajeyatapi. Ho, Easter anpetu wašte kin el henakiya wocekiye econqonpi kta. Wakantanka iye towašake tanka kin on ounkiyapi kinhan anpetu kin he el wicohian wakan kin hena yuonihanyan econ unwacinpi kta.

Easter anpetu kin el taku wanji on nakun wiunyuškinpi kta. Aojanjan glepi wašte wan winyan omniciye kin opetonpi ca he he anpetu kin el unyuzamnpi na Wakantauka unqupi kta. Tokel wacin kin ognayan kałi wicawaši na lila wašte kecanmi. Siyutapi šakpe oglakinyan kin, na owoslatu kin inš siyutapi sakowin sanpa. Aojanjan glepi kin yamni—cokaya kin he hanska, na itananoka tanhan kin napin pteptecela. Janjan owe ota unpi, kağapi kin el. Cete kin ikanyela lecel owapi: To the glory of God—Le winyan eglepi, 1889.

United States makoce kin el owekinnaš aojanjan glepi kin lecela el lecel Lakota iapi kin ognayan owapi naceca. Wanji hcin tuktel nakun heconpi naceca tka slolwaye šni. Ecel eglepi koya kinhan aojanjan glepi kin le on mazaska opawinge sam wikcemna zaptan kapeya unkajujupi kta.

Wana waniyetu wanji sam iyeyakel wi wanji canna Hunkayapi unpi kin eyašna waonspewicawakiya. Tka sanpa Bishop awicaye maši na on awicakeya lehanl wowapi unyawapi. Eya wowaši ota bluha tka koškalaka kin lena taku onspepi kta cinpi kin heon iyepi kin on mičiču. Tanyan škan ayapi kin on miš sanpa iwamašakin na iyomakipi. Oškiškeyakel waonspe unkicičiya. Wi wanji can anpetu wakan oko nom ataya waunyawapi. Tipi wakan kin ognayan unškanpi. Tka bloketu kin le Guild House heca wan micagapi kta ca he nakeš ogna unškanpi kta. Catechist kin lena eepi: William M. Robertson, Joseph Marshall, Robert American Horse, Thomas Tyon, Edgar M. Keith, William Iron Crow, Chas. Turning Hawk, Silas Opağila, Henry Ogleša. Hehanl, leniyos inš wawokiya wicaša (helpers) kin hecapi; Mark Spider, Jonas Bull.

ŠENA.

Maka akand wiconi kin ded wancana waun kta kepcas: heon etanhan dehand wowaonsida wanji hcin tuwa ecawecon owakihi, qaiš taku wašte wanji hcin ecamon owakihi hecinhan, ito wana ecamon kte, ecin ake ded icicawin waku kte šni heon etanhan.